

Meeqqañut suli atuañngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat

Kapitali 1

Tamakkiisumik aalajangersakkat

Siunertaq

§ 1. Inatsisartut inatsisaat manna tunngavigalugu meeqqañik atuañneqanngitsunik perorsaanermik suliaqarnerit tamarmik meeraq qitiutillugu meeqqamik angajoqqaatut oqartussaassuseqartut, pilersuisiusut meeqqallu attaveqaatai suleqatigalugit ingerlanneqassapput.

§ 2. Inatsisartut inatsisaanni matumani anguniagassat tullinnguuttut naammassineqarnissaat siunertarineqarpoq:

- 1) Persoraanermik sulinermi meeqqap atugarissaarnera, ilikkariartornera aamma inooqataanikkut nalinginnaasumillu piginnaasaasa ineriarternarat kiisalu meeqqap atuañnissamut piareersimaneerata qulakkeernissaa pillugit meeqqamut pitsaanerpaamik qulakkeerinninneq.
- 2) Meeqqap takorluuñsinnaaneranut, pinngorartitsisinnaaneranut, ineriarternanut pingortitamullu ataqqinninneranut uummarissaaqataasunik meeqqap misigisaqarnissaanut sammisaqarnissaanullu periarfissiineq.
- 3) Meeqqap inoqatiminut ataqqinninnissamik paasinninnissaanik, kulturikkut kinaassutsimik paasinninnermik, kisiannili aamma meeqqap kulturianit allaanerusumik kulturimik paasinninneranik ineriarartitsinermik siuarsaneq.
- 4) Paasinninneq, eqqissineq, akaarinninneq, suaassutsit akornanni naligiissitaaneq, inuiaassuseq upperisaqarnerlu anersaaralugit inuiaqatigiinni kiffaanngissuseqartumi akisussaassuseqartumik inuunissamut meeqqap piareersarneqarnera.
- 5) Meeqqamut aalajangeeqataasinjaanermik, akisussaaqataanermik oqartussaaqataanermillu paasinninnermik misigisaqarnermillu tunisineq.
- 6) Neqeroorutit akornanni ikaarsaarnernut meeqqap sapinggisamik pitsaanerpaamik piareersarneqarnissa taamaalillunilu meeqqap ukiuanut naleqquatumik ineriarternissa siuarsarniarlugu ataqtigisumik ataavartumillu pilersitsisoqarnissaanik isumaginninneq.
- 7) Perorsaanermik neqeroorutit kommunimi meeqqañut nalinginnaasumik ataatsimut neqeroorutaatinneqigut peqataatisinermik isumaginninnikkullu ajornartorsiuteqarnissamut aarlerinaartorsiornissaq pinaveersaartitsinermik qulakkeerinninneq, taamaasilluni meeqqañut immikkut

iliuuseqarnissamik pisariaqartitsisunut pinaveersaartitsinernut ikorfartuisumillu iliuuseqarnissamik qulakkeerinninneq.

Atuuffia nassuaatillu

§ 3. Inatsisartut inatsisaat una meeqlanut atualerneqanngitsunut tamanut ulluunerani neqeroorutini atuuppoq.

Imm. 2. Meeqlanut ulluunerani persorsaanikkut inerikkiartuutaasumik neqeroorutinut angerlarsimaffimmi paarsineq, angerlarsimaffimmi paarsisarfik ataatsimoortitat, ulluunerani paaqqinnittarfit kiisalu sammisassaqartitsinermik neqeroorutit meeqlanik sullissinermik sammisunik perorsaanermik ingerlatsiviusut ilaapput. Neqeroorut ulloq naallugu ullulluunniit ilaannaani neqeroorutaanersoq apeqqutaangilaq.

Imm. 3. Meeqqat atualerneqanngitsut tassaapput 0-6-inik ukiullit, imaluunniit atuartinnejartussaanerup atuutilernissaata tungaanut.

Imm. 4. Inatsisartut inatsisaanni meeqlanut atualerneqanngitsunut, akimmiffit assigiinngitsut sunniivigeqatigiinnerisigut meeqqat allat assigalugit inuiaqatigiinni tamakkiisumik sunniutilimmillu inooqataasinnaannginnerannik pissutaasinnaasumik inooqataanikkut ajornartorsiuteqarneq, ataavartumik timikkut, tarnikkut, paasinnissinnaanikkut malussarniutitigulluunniit pisinnaasat annikillisimanerat pissutigalugu immikkut ittumik iliuuseqarfingeqarnissamik pisariaqartitsisunut aamma tunngassuteqarpoq.

§ 4. Angerlarsimaffimmi paarsisarfik tassaavoq perorsaanikkut kaammattuiffiusumik paarsinissamik neqeroorut ullup-unnuallu ilaa angerlarsimaffimmi meeqqap angerlarsimaffigingisaani, imaluunniit tamanit katersuuttarfimmi ingerlanneqartoq.

Imm. 2. Kommunip angerlarsimaffimmi paarsisarfia tassaavoq angerlarsimaffimmi paarsineq kommunimit pilersinneqarlnilu ingerlanneqartoq, angerlarsimaffimmi paarsisoq kommunimit atorfinitinneqarlnilu aningaasarsiaqartinneqartoq.

Imm. 3. Namminerisamik angerlarsimaffimmi paarsisarfik tassaavoq angerlarsimaffimmi paarsisarfik nammineq pilersitaallunilu akilerneqarluni ingerlanneqartoq. Namminerisamik angerlarsimaffimmi paarsisarfik kommunip angerlarsimaffimmi paarsisarfitaani malittarisassat assigalugit ingerlassaaq.

Meeqqat ataasiakkaat pillugit suleqatigiinneq

§ 5. Kommunalbestyrelsimit meeqqat ataasiakkaat attaveqarfisa akornanni ataqtigiiakkamik suleqatigiittooqarnissaa qulakkeerneqassaaq. Pisariaqartitsisoqartillugu ingerlatsiviit ataasiakkaat meeqqamik sulinermut toqqaannartumik attuumassuteqartut akornanni inuttalerneqartumik suleqatigiinnik communalbestyrelse pilersitsissaaq.

Imm. 2. Suleqatigiit suliassaqarfik akornanni imm. 1 naapertorlugu suleqatigiinnermut atatillugu attaveqarfik ataatsimiitinneqartassapput, tamatumani meeqqap angajooqqaatut oqartussaasui imaluunniit pilersuisiusui, meeqqamut siusissukkut iliuuseqarnissaq siunertaralugu peqataatinneqassallutik.

Imm. 3. Naalakkersuisut suleqatigiinnik pilersitsinermut malittarisassanik aalajangersaassapput.

Kapitali 2

Inissanik innersuussineq

§ 6. Nunami maani angajoqqaat inatsisitigut akuerineqarlutik najugaqartut Inatsisartut inatsisaat manna malillugu ulluunerani neqeroorummi inissamik pisinnaatitaaffeqarput.

§ 7. Meeqqanut atualerneqannngitsunut tamanut ulluunerani neqeroorummik qulakkeerinissaq kommunalbestyrelsip suliassaraa.

§ 8. Kommunalbestyrelse kommunip ulluunerani paaqqinnittarfiinut kommunillu angerlarsimaffimmi paarsisarfiinut piumasaqaatit kommunimit aalajangersarneqarsimasut malillugit meeqqanut utaqqisut allattorsimaffianniittunut inissamik innersuussisassaaq.

§ 9. Meeqqat 0-2-nik ukiullit meeraaqquerivinnut kommunillu angerlarsimaffimmi paarsisarfiinut meeqqallu 3-6-inik ukiullit meeqqerivinnut kommunillu angerlarsimaffimmi paarsisarfiinut kommunalbestyrelsip innersuuttassavai.

Imm. 2. Kommunalbestyrelse marlunnik ukiulinnik meeqqamut pitsaanerpaamut ineriarorneranullu meeqqanik ataasiakkaanik aalajangersimasunik naliliineq tunngavigalugu meeqqerivimmum innersuussisinnaavoq.

§ 10. Angajooqqaat inatsit una naapertorlugu meeqqamut ataatsimut inissamik ataasimik taamaallaat tunineqarsinnaapput.

Utaqqisunut allattorsimaffik

§ 11. Qinnuteqartut tamarmik inissaqtinneqanngippata utaqqisunut allattorsimaffimmik kommunalbestyrelse pilersitsissaaq.

§ 12. Utaqqisunut allattorsimaffimmi pingarnersiuinissamut piumasaqaatinik kommunalbestyrelse aalajangersaassaaq.

Imm. 2. § 3, imm. 4 naapertorlugu meeqqat immikkut pisariaqartitsisut salliutinneqassapput.

§ 13. Utaqqisunut allattorsimaffimmut piumasaqaatit kommunalbestyrelsip meeqqat inuuusuttullu pillugit politikianni allassimassapput, taakku kikkunnit tamanit pissarsiarineqarsinnaassapput.

Imm. 2. Naalakkersuisut pingarnersiuinermut piumasaqaatinut malittarisassanik erseqqinnerusunik aalajangersaasinnaapput.

Kapitali 3

Ulluunerani paaqqinnittarfiit

§ 14. Ulluunerani paaqqinnittarfiit paaqqinnittarfiupput meeqqanut eqimattanut sammisumik perorsaanermik ilinniarsimasunik sulisoqartut, illutaat meeqqanut sulisunullu naleqqussagaallutik

attuumassutilimmillu oqartussaasunit akuerineqarsimallutik.

Imm. 2. Ulluunerani paaqqinnittarfit kommunineersuusinnaapput imaluunniit 6-inik amerlanerusunilluunniit meeratalinnik paaqqinnittarfittut imminnut pigisutut pilersinneqartuuusinnaapput, taakku communalbestyrelsimek ingerlatsinermik isumaqatigiissusiorsinnaapput.

§ 15. Ulluunerani paaqqinnittarfit 0-2-nik ukiulinnut meeraaqgerivittut, 3-6-inik ukiulinnut meeqqerivittut imaluunniit 0-6-inik ukiulinnut ukiui naapertorlugit avitanut paaqqinniffittut pilersinneqassapput.

Imm. 2. Ulluunerani paaqqinnittarfit meeqqanut eqimattanut agguarneqassapput, meeqqanut eqimattat tamarmik amerlanerpaamik 20-nik meerartaqassallutik, meeraaqgerivinnilu eqimattat amerlanerpaamik aqaneq marlunnik meerartaqassallutik.

Imm. 3. Ulluunerani paaqqinniffik suleqatigalugu aalajangersimasumik naliliinera tunngavigalugu imm. 2 naapertorlugu meeqqanut amerlanerpaaffiliinernut immikkut akuersissuteqartoqarsinnaavoq.

Imm. 4. §§ 1 aamma 2 naammassisinnaajumallugu ulluunerani paaqqinnittarfintti inissat qanoq amerlatigisut meeqqanut immikkut pisariaqartitsisunut tunniunneqassanersut pillugit paaqqinnittarfiup innersuussuteqarneratigut communalbestyrelsip imaluunniit ulluunerani paaqqinnittarfimmi imminut pigisumi siulersuisut aalajangiinerat tunngavigalugu amerlassusilerneqassapput. Meeraq pillugu § 5 naapertorlugu suleqatigiinnik pilersitsisoqarsimappat aalajangiinermut atatillugu suleqatigiit peqataatinneqarsinnaapput.

Ulluunerani paaqqinnittarfit illutaannut piumasagaatit

§ 16. Ulluunerani paaqqinnittarfiup atulerseqqaarnerani communalbestyrelse ulluuneranik paaqqinnittarfik akuersissaq. Illup allangortinneqarneranut inissallu qanoq amerlatiginissaannut aalajangiunneqarsimasut allangortinneqarnerannut atatillugu ulluunerani paaqqinnittarfimmi kingorna allanguutinut communalbestyrelse akuersissaq.

Imm. 2. Ulluunerani paaqqinnittarfiup inatsisit atuuttut naapertorlugit aaqqisorneqarsimanersoq communalbestyrelsimit nakkutigineqassaaq.

Imm. 3. Naalakkersuisut ulluunerani paaqqinnittarfintti pilersitsinermut aaqqissuussinermullu malittarisassanik aalajangersaassapput.

Ulluunerani paaqqinnittarfit akuerisaanerannut uppernarsaat

§ 17. Ulluunerani paaqqinnittarfit tamarmik communalbestyrelsimit tunniunneqarsimasumik akuerisaasimanermut takussutissaqassapput, ulluunerani paaqqinnittarfiup aqtsisuanit ulluunerani paaqqinnittarfimmi takuneqarsinnaasumut inissinneqarsimasussamik.

Imm. 2. Akuerisaasimanermut uppernarsaat paassisutissanik ukuninnga imaqassaaq:

- 1) Ulluunerani paaqqinnittarfiup aqqa, sumiiffia inissisimaneralu.
- 2) Ulluunerani paaqqinnittarfiup anguniagai meeqqanillu isiginnittaasia.
- 3) Ulluunerani paaqqinnittarfiup aqtsisua.
- 4) Kommunimi ataatsimiititaliaq naapertuuttoq imaluunniit ulluunerani paaqqinnittarfiup imminut pigisup

siulersuisui.

- 5) Paaqqinnittarfimmi inissat amerlassusaat.
- 6) Sulisut amerlassusaat.
- 7) Ammasarfait.
- 8) Oqartussaasunit naapertuuttunit akuersissutit, tamatumani qatserisartoqarnermi oqartussat, sanaartornermut oqartussat aamma komunalbestyrelse kiisalu ullulernera ilanngullugit.
- 9) Ulluunerani paaqqinnittarfimmi persorsaanikkut ukiumoortumik pilersaarutip sumiinna inatsisitigullu tunngaviit naapertuuttut pillugit paassisutissat.

Atorfinititsinerit

§ 18. Komunalbestyrelse innersuussisarnermut ataatsimiitaliamit ulluunerani paaqqinnittarfimmit pineqartumit, angajoqqaat siulersuisuinit ingerlatsivimmillu sinniulimmik, innersuussuteqartoqareerneratigut ulluunerani paaqqinnittarfimmi kommunip ingerlataani aqutsisumik atorfinititsissaq. Innersuussisarnermut ataatsimiitaliaq komunalbestyrelsimit pilersinnejassaaq.

Imm. 2. Komunalbestyrelse ulluunerani paaqqinnittarfimmi sulisunik aqutsisunillu atorfinititsinerminut atatillugu, atorfik meeqqanik attaveqarnermik nassataqarpat, meeqqanik pinerliisimannnginnermut pineqaatissinneqarsimannnginnermillu uppernarsaatnik piniassaaq kiisalu pineqartup suliassai eqqarsaatigalugit uppernarsaatnik sukumiisumik nalilersuissalluni.

Komunalbestyrelse immikkut pisoqartillugu pineqaatissinneqarsimannnginnermik aamma meeqqanik pinerliisimannnginnermut uppernarsaatnik nutaanik piniarsinnaavoq.

Imm. 3. Ulluunerani paaqqinnittarfimmi aqutsisumik sulisumilluunniit atorfinititsisoqarsinnaanngilaq:

- 1) pineqaatissinneqarsimannnginnermik uppernarsaammi takuneqarsinnaappat, qinnuteqartoq ukiut kingullit 10-t iluanni kinguaassiutitigut pinerluuteqarsimasutut imaluunniit inunnut navianaatilimmik pinerluuteqarsimasutut eqqartuunneqarsimappat, imaluunniit
- 2) meeqqanik pinerliisimannnginnermut uppernarsaammi takuneqarsinnaappat, qinnuteqartoq kinguaassiutitigut pinerluuteqarsimasutut eqqartuunneqarsimappat.

Ulluunerani paaqqinnittarfimmi aqutsisoq

§ 19. Ulluunerani paaqqinnittarfimmi aqutsisup ulluunerani paaqqinnittarfipi illorsorneqarsinnaasumik malittarisassallu atuuttut naapertorlugit ingerlanneqarnissaa perorsaanikkut allaffissornikkullu akisussaaffigaa. Ulluunerani paaqqinnittarfimmi aqutsisup sulisoqarnikkut atugassarititaasut akisussaaffigai.

Imm. 2. Ulluunerani paaqqinnittarfimmi aqutsisup ulluunerani paaqqinnittarfimmi perorsaanikkut ukiumut pilersaarusiornissaq missingersuusiornissarlu akisussaaffigai.

Imm. 3. Komunimi ulluunerani paaqqinnittarfait aamma ulluunerani paaqqinnittarfait imminnut pigisut, komunalbestyrelsimek ingerlatsinissamik isumaqatigiissusiorsimasut, komunalbestyrelsimit malitassiarineqarsimasut naapertorlugit missingersuusiussapput. Ulluunerani paaqqinnittarfinni imminnut pigisuni sinnerini siulersuisut najoqqtassiaat naapertorlugit missingersuusiussapput.

§ 20. Ulluunerani paaqqinnittarfimmi aqutsisup akisussaaffigaa meeraq pillugu mappimik pappiaqqanik digitalimilluunniit pilersitsillunilu nutarterinissaq, kiisalu meeqqat meeqqerivimmiiittut aqqinik inuullu normuinik, angajoqqaatut oqartussaasut pilersuisiusuisalu aqqinik, meeqqerivimmiiikkunnaarpatalu sooq aninerannut pissutaasut pillugit paasissutissanik allattuiffeqarnissaq. Takkuttarnermut nalunaarsuisarneq ingerlanneqassaaq.

Imm. 2. Kommunimi ulluunerani paaqqinnittarfifit aamma ulluunerani paaqqinnittarfifit imminnut pigisut, kommunalbestyrelsimit ingerlatsinermik isumaqatigiissuteqarfingeqarsimasut, takkuttarnermut nalunaarsuut persorsaanikkullu ukiumut pilersaarutit kommunalbestyrelsimit nassutiissavaat ullup kommunalbestyrelsimit killiliunneqarsimasup qaanginnginnerani.

§ 21. Atorfinitssinermik oqartussaasup ulluunerani paaqqinniffiup aqutsisuata allaffissornikkut §§ 18 aamma 19 naapertorlugit suliassaanik isumaginninnginnissaa aalajangersinnaavaa, tamanna ulluunerani paaqqinnittarfifit aqqissuuissaanerani pilersaarusiornernilu suliassat agguataarneqarsimaneranni illorsorneqarsinnaappat, aamma atorfinitssinermik oqartussaasup uppermarsarsinnaappagu perorsaanikkut, allaffissornikkut aqtsinikkullu suliassat naammaginartumik naammassineqartut. Kisianni atorfinitssinermik oqartussaasoq ulluunerani paaqqinnittarfimmi aqutsisup allaffissornikkut suliassaanik isumaginninnginnissaanik aalajangersinnaangilaq, atorfinitssinermik oqartussaasoq § 22, imm. 1 naapertorluu perorsaanermik ilinniaqarnissamik piumasaqaammit immikkut akuersissuteqarsimappat.

Imm. 2. Ulluunerani paaqqinnittarfimmi aqutsisoq allaffissornikkut suliassanik isumaginninngippat inini sulisut amerlassusissaannut ilaatinneqassaaq.

§ 22. Ulluunerani paaqqinnittarfimmi aqutsisoq perorsaasutut ilinniarsimassaaq. Atorfilli perorsaasutut ilinniarsimasumit inuttalerneqarsinnaanngippat atorfinitssinermut oqartussaasoq perorsaasutut ilinniarsimanissamik piumasaqaamik atortitsinnginnissamik immikkut akuersissuteqarsinnaavoq, atorfimmut qinnuteqartoq ilinniakkamik allamik naleqquttumik inuussutissarsiornermiluunniit naleqquttumik misilitakkamik tunuliaqtaqarluni atorfimmut piukkunnaateqarpat.

Imm. 2. Ulluunerani paaqqinnittarfimmi aqutsisoq inini sulisut amerlassusilerneqarnerisa avataanniippoq.

Imm. 3. Ulluunerani paaqqinnittarfinni kommuninit ingerlanneqartuni innersuussuteqarnerata kingorna kommunalbestyrelse aqutsisumik atorfinitssissaaq, takuuk § 18, imm. 2.

Kommunit ulluunerani paaqqinnittarfifini sulisut amerlassusilerneqarnerat

§ 23. Meeqqat eqimattat tamarmik immikkut sulisoqarnikkut amerlassusilerneqarsimassapput ikinnerpaamik perorsaasumik ataatsimik, perorsaasutut ilinniagalimmik ataatsimik ikiortimillu ataatsimik. Ilinniartut tapersersuisullu sulisut amerlassusilerneqarnerannut ilaatinneqanngillat.

Imm. 2. Kommunalbestyrelse ulluunerani paaqqinnittarfik suleqatigalugu aalajangersimasumik nalileereerneremi sulisut amerlassusilerneqarnerannit utaqqiisaasumik immikkut akuersissuteqarsinnaavoq. Utaqqiisaasumik immikkut akuersissut qaammatit pingasut tikillugit sivissussuseqarsinnaavoq, kingornalu immikkut akuersisummik nalileeqittoqassalluni.

Imm. 3. Ulluunerani paaqqinnittarfifit ammasarfifini meeqqani eqimattani tamani sulisut ikinnerpaamik marluussapput, pinerillu tamaasa ulluunerani paaqqinnittarfimmi perorsaasoq ikinnerpaamik ataaseq sulissalluni.

Imm. 4. Ulluunerani paaqqinnittarfimmi sulisut amerlassusilerneqarnerisa saniatigut igaffimmi eqjaanermillu sulisoqassaaq.

Imm. 5. Kommunalbestyrelse imm. 1-4 aallaavigalugit ulluunerani paaqqinnittarfinni ataasiakkaani sulisut amerlassusissaannik aalajangersaassaaq aqutsisullu saniatigut sulisunik atorfinititsisarnernut najoqqtassiirluni.

Angajoqqaat siulersuisui

§ 24. Kommunalbestyrelse persorsaanikkut sulisut, meeqqap angajoqqaatut oqartussaasui pilersuisiusuisalu akornanni suleqatigiinneq siuarsarniarlugu ulluunerani paaqqinnittarfimmi angajoqqaat siulersuisuinik pilersitsissaaq.

Imm. 2. Ulluunerani paaqqinnittarfinni kommuninit ingerlanneqartuni tamani ulluunerani paaqqinnittarfip aqutsisua ukiumut ikinnerpaamik pingasoriarluni angajoqqaat siulersuisuinik ataatsimiigiaqqusissaaq.

Imm. 3. Angajoqqaat siulersuisuisa suliassaraat:

- 1) ulluunerani paaqqinnittarfimmi sammisassanik suliniutinilluunniit siunnersuuteqarlungilu aaqqissuussineq,
- 2) perorsaanikkut ukiumut pilersaarusoqataaneq,
- 3) perorsaanikkut ukiumut pilersaarutinik ukiumut marloriarlutik malitseqartitsineq kiisalu ulluunerani neqeroorummi meeqqat pisariaqartitaannut naleqqussaaneq, aamma
- 4) illumi aaqqissuussinermik allannguinermillu siunnersuuteqarneq.

Imm. 4. Angajoqqaat siulersuisui ataatsimiinnerni tamani imaqarniliortassapput, ataatsimiinnerup kingorna kommunalbestyrelsismut imaluunniit paaqqinnittarfimmi imminut pigisumi siulersuisunut tunniunneqartussamik.

Imm. 5. Naalakkersuisut angajoqqaat siulersuisui pillugit malittarisassanik erseqqinnerusunik aalajangersaasinnaapput.

Ulluunerani paaqqinnittarfif imminnut pigisut aqunneqarnerat

§ 25. Ulluunerani paaqqinnittarfinni imminnut pigisuni pingarnertut aqutsisussanik siulersuisunik pilersitsisoqassaaq.

Imm. 2. Ulluunerani paaqqinnittarfinni imminnut pigisuni ulluunerani paaqqinnittarfimmi aqutsisoq ulluunerani paaqqinnittarfip siulersuisuanit atorfinititsinneqassaaq. Siulersuisut sulisut sinnerinik atorfinititsinermut najoqqtassiussapput.

Kapitali 4

Angerlarsimaffimmi paarsineq

Angerlarsimaffimmi paarsisartunik angerlarsimaffimmilu paarsisarfinnik akuersinea

§ 26. Kommunalbestyrelse angerlarsimaffimmi paarsisartut angerlarsimaffimmilu paarsisarfip qinnuteqaateqareernerisa kingorna allakkatigut akuersissuteqareerpat, aatsaat angerlarsimaffimmi

paarsisartut imaluunniit angerlarsimaffimmi paarsisarfik meeqqanik tigusaqarsinnaapput.

Imm. 2. Angerlarsimaffimmi paarsisartup timikkut tarnikkullu pisinnaassuseqarnissaa perorsaanikkullu ummariasaataasunik sammisassaqtitsinernik neqerooruteqarnissamut piginnaasaqarnissaa imm. 1 naapertorlugu akuersinissamut piumasaqaatigineqarpoq. Angerlarsimaffimmi paarsisartoq pineqartullu illoqatigisinnaasai tamarmik peqqissutsimut nalunaarummik qaammatinit pingasunit pisoqaanerungitsumik takutitsisinnaassapput.

Imm. 3. Angerlarsimaffimmi paarsisarfik akuerineqarsinnaanngilaq:

1) angerlarsimaffimmi paarsisartup taassumaluunniit inoqutaasa ilaasa, meeqqanik paarsinermi ikuittussat, pineqaatissinneqarsimannginnermik uppermarsaataanni takuneqarsinnaappat, pineqartoq ukiut kingulliit 10-t iluanni ilaqtariissutsip iluani pinerluuteqarsimasutut, kinguaassiutitigut pinerluuteqarsimasutut imaluunniit inummut navianaatilimmik pinerluuteqarsimasutut eqqartunneqarsimappat,

2) angerlarsimaffimmi paarsisartup taassumaluunniit inoqutaasa ilaasa meeqqanik pinerliisimannginnermut uppermarsaataanni takuneqarsinnaappat, pineqartoq ilaqtariissutsip iluani pinerluuteqarsimasutut imaluunniit kinguaassiutitigut pinerluuteqarsimasutut eqqartunneqarsimappat.

3) angerlarsimaffimmi paarsisarfimmi tuniluuttartumik nappaateqartoqarpat.

Imm. 4. Angerlarsimaffimmi paarsineq tamanit katersuutarfimmi ingerlanneqarpat aalajangersakkani imm. 2, oqaaseqatigii aappaat aamma imm. 3 angerlarsimaffimmi paarsisartumut taamaallaat atuutissaaq.

Imm. 5. Angerlarsimaffimmi paarsisarfiup meeqqamik tigusisinnaanissaanut namminerisamik angerlarsimaffiup tamanilluunniit katersuutarfiup akuerineqannginnerani illumi atukkat kommunalbestyrelsimit nalilersorneqqaassapput.

Imm. 6. Kommunalbestyrelse naliliippat, angerlarsimaffimmi paarsisartumut angerlarsimaffinnullu paarsisarfiusunut akuersissummut piumasaqaatit naammassineqarsinnaajunnaarsimasut, akuersissut utaqqiisaagallartumik atorunnaarsinneqassaaq imaluunniit pisariaqanngitsumik utaqqissussinatik atorunnaarsinneqassaaq.

Angerlarsimaffimmi paarsinermik ingerlatsineq

§ 27. Kommunalbestyrelse angerlarsimaffimmi paarsisarnissamik qinnuteqartumut meeqqanik suli atualerneqanngitsunik katillugit sisamanik paarsisarnissaanut akuersissuteqarsinnaavoq.

Angerlarsimaffimmi paarsisarfimmi nammineq meerarisat arfinillit inorlugit ukiullit meeqqallu angerlarsimaffimmi paarisartakkat tallimanit amerlanerussanngillat.

Imm. 2. Angerlarsimaffimmi paarsisartoq ullunik 14-inik killilerlugu amerlanerusunik paarsaqarsinnaavoq imaluunniit angerlarsimaffimmi paarsisartumut allamut taartaalluni.

Imm. 3. Angerlarsimaffimmi paarsisartoq qaammatit pingasut iluanni amerlanerpaamik marloriarluni amerlavallaanik paarsaqarsinnaavoq imaluunniit angerlarsimaffimmi paarsisartumut allamut taartaalluni.

Kommunit angerlarsimaffinni paarsisartuinut angajoqqaat siulersuisui

§ 28. Angerlarsimaffinni paarsisartuni tamani angerlarsimaffimmi paarsisartoq angajoqqaat siulersuisuinik ukiumut ikinnerpaamik pingasoriarluni aggersaasassaaq. Angajoqqaat siulersuisui meeqqap angajoqqaatut oqartussaasuunik, pilersuisuiusuinik aamma angerlarsimaffimmi paarsisartumik

inuttaqarput. Najugaqarfimmi ataatsimi angerlarsimaffimmi paarsisartut arlaqarpata angerlarsimaffimmi paarsisartunut tamanut ataatsimoorussamik angajoqqaat siulersuisuinik pilersitsisoqarsinnaavoq.

Imm. 2. Angajoqqaat siulersuisusa suliassaraat:

- 1) meeqqanut, soorlu aamma angajoqqaatut oqartussaasunut imaluunniit pilersuisiusunut tunngatillugu anguniagalimmik sulinermut atatillugu angerlarsimaffimmi paarsisarfimmi sammisassanik iliusissanillu siunnersuuteqarneq aaqqissuussinerlu, aamma tassunga ilanngullugu
- 2) pissutsit meeqqat angerlarsimaffimmi paarsisarfiusumi ulluinnarisaannut ersarissumik pingaaruteqartut pillugit aalajangiinerit.

Imm. 3. Angajoqqaat siulersuisui ataatsimiinnerni tamani imaqarniliortassapput, ataatsimiinnerup kingorna kommunalbestyrelsismut tunniunneqartussamik.

Kapitali 5

Immikkut ittumik sammisassaqtitsinissamut neqeroorutit

§ 29. Kommunalbestyrelse meeqqanut suli atualinngitsunut, ulluunerani paaqqinnittarfimmiinnej ajortunut imaluunniit angerlarsimaffimmi paarineqarneq ajortunut sammisassaqtitsinernik neqerooruteqassaaq. Sammisqaqtitsinissanut neqeroorutinut taakkununnga peqataanermut akiliuteqarnissamik piumasaqartoqassanngilaq.

Imm. 2. Sammisqaqtitsinissamik neqeroorutit tassaapput piffissap ilaa neqeroorutit, meeqqanut suli atualinngitsunut inersimasumik ilaqlarluni, meeqqap inerikkiartorfissaasa ataatsip arlallilluunniit iluanni anguniagaqtumik sammisaqtitsinermik imaqartut, ukuanut naleqquttut.

Imm. 3. Sammisassaqtitsinermik neqeroorutinik pilersitsinermut aallartitsinermullu ataqtigiissaarisumik toqqaanissamut kommunalbestyrelse pisussaaffeqarpoq. Ataqatigiissaarisooq najukkami peqatigiiffinnik, inunnik isumalluutinik allanillu naapertuuttunik suliamik ilisimasalinnik suleqateqassaaq.

Kapitali 6

Ataatsimut aalajangersakkat

Meeqqap inerikkiartornera atugarissaarnerala

§ 30. Ulluunerani neqeroorut meeqqat ataasiakkaat inerikkiartornernik atugarissaarnerannillu tamakkiisumik naliliineq aallaavigalugu ataavartumik nalilersuillunilu upternarsaasiortassaaq ukiumullu ikinnerpaamik marloriarluni inerikkiartornermik nassuaasiortassaaq.

Imm. 2. Inerikkiartornermik nassuaatit angajoqqaatut oqartussaasut, pilersuisiusut naapertuuttumillu suliamik ilisimasallit suleqatigalugit malitseqartinnejartassapput.

Imm. 3. Ulluunerani neqeroorut meeqqap inerikkiartornernik ingerlaqqinnissaa pillugu suleqatigiinnissaaq siunertaralugu angajoqqaatut oqartussaassusilinnik aamma imaluunniit pilersuisiusunik ukiumut ikinnerpaamik marloriarluni oqaloqateqartarnissamik pisussaaffeqarpoq.

§ 31. Meeqqap ulluunerani neqeroorummit ulluunerani neqeroorummut allamut nuunnerani meeqqap isumassorneqarneranik pisariaqartitaanillu isumaginninnissamut atorneqartussanik ulluunerani

neqeroorummi qimalikkami sulisut ulluunerani neqeroorummi nuuffissami sulisunik suleqateqassapput meerarlu pillugu paassisutissanik naapertuuttunik ingerlatitseqqillutik.

Imm. 2. Naalakkersuisut paassisutissanik naapertuuttunik ingerlatitseqqinnermi malittarisassanik aalajangersaassapput.

Misissuineq siusissukkullu iliuuseqarneq

§ 32. Kommunalbestyrelse meeraq pingasunik ukioqalerpat peqqissusaanik ineriatrneranillu pinngitsoorani misissuissaq. Misissuineq Naalakkersuisunit ineriatortinneqartut takussutissat, nakkutilliinermut nalilersuinermullu atortut tunngavigalugit ingerlanneqassaaq.

Imm. 2. Misissuineq ilaatigut tullinnguuttunik imaqassaaq:

- 1) Timimik aqutsisinnaaneq.
- 2) Inooqataanermi ilisarsisinnaaneq.
- 3) Peqqissutsikkut atukkat.
- 4) Pissusilorsorneq tapersorsorneqarnissamik neqerooruteqarnermut pissutissaqartitsisinnaasoq.
- 5) Ilaqtariit aamma attaveqarfii.

Imm. 3. Naalakkersuisut meeraq pingasunik ukioqalerpat misissuinissamut siusissukkullu iliuuseqarnissamut malittarisassanik erseqqinnerusunik aalajangersaasinnaapput.

§ 33. Kommunalbestyrelse meeraq tallimanik ukioqalerpat atualernissamut piareersimaneranik pinngitsoorani misissuissaq. Misissuineq Naalakkersuisunit ineriatortinneqartut takussutissat, nakkutilliinermut nalilersuinermullu atortut tunngavigalugit ingerlanneqassaaq.

Imm. 2. Misissuineq ilaatigut tullinnguuttunik imaqassaaq:

- 1) Timimik aqutsisinnaaneq.
- 2) Inooqataanermi ilisarsisinnaaneq.
- 3) Peqqissutsikkut atukkat.
- 4) Pissusilorsorneq tapersorsorneqarnissamik neqerooruteqarnermut pissutissaqartitsisinnaasoq.
- 5) Oqaatsit.
- 6) Imminut ikiorsinnaaneq.

Imm. 3. Naalakkersuisut meeraq tallimanik ukioqalerpat misissuinissamut siusissukkullu iliuuseqarnissamut malittarisassanik erseqqinnerusunik aalajangersaasinnaapput.

Perorsaanikkut tarnikkullu atukkatigut siunnersuineq

§ 34. Kommunalbestyrelse meeqqamut pitsaanerpaaq qulakkeerniarlugu ulluunerani neqeroorutinut, angajoqqaatut oqartussaasunut pilersuisiusuinullu perorsaanikkut tarnikkullu atukkatigut siunnersuinermik isumaginnissaq.

§ 35. Naalakkersuisut meeqqat suli atualinngitsut pillugit suliassaqarfimmi perorsaanikkut tarnikkullu atukkatigut ilisimatusarnermik isumaginnissapput.

Ineriatroneq misileraallunilu aaqqiissutit

§ 36. Naalakkersuisut meeqqanut ulluunerani neqeroorutinik nutaanik ilusilinnik ineriertortitsissapput, tamatumunnga ilanngullugu meeqqanut ulluunerani neqeroorutit allaanerusut najugaqarfimmi atukkanut naleqqussarneqarsimasut.

Imm. 2. Naalakkersuisut ulluunerani neqeroorutini perorsaanikkut sulineq pillugu najoqqutassanik ineriertortitsissapput.

§ 37. Naalakkersuisut kommunalbestyrelsip innersuussinera malillugu kommunimi meeqqanut suli atualerneqanngitsunut ulluunerani neqeroorutit pillugit misiliilluni aaqqiissuteqarnissamik akuersissuteqarsinnaapput.

Imm. 2. Kommunimi misiliilluni aaqqiissut sivisunerpaamik ukiuni pingasuni atuussinnaavoq.

Imm. 3. Imm. 1 naapertorlugu kommunimi misiliilluni aaqqiissuteqarnermut atatillugu kommunalbestyrelse ukiut tamaasa nassuaasiortassaaq Naalakkersuisunut tunniunneqartussamik.

§ 38. Naalakkersuisut kommunalbestyrelse suleqatigalugu perorsaariaatsit allaffissornikkullu suleriaatsit atuuttut pitsanngorsarnissaat siunertaralu ataqtigiissumik aaqqissuussinernik sakkunillu misiliilluni aaqqiissutinik pilersitsisinnaavoq.

Imm. 2. Misiliilluni aaqqiissut sivisunerpaamik ukiuni pingasuni atuussinnaavoq. Misiliilluni aaqqiissut pineqartoq sivisunerpaamik ukiunik marlunnik sivitsorneqarsinnaavoq.

Imm. 3. Imm. 1 naapertorlugu kommunimi misiliilluni aaqqiissuteqarnermut atatillugu ukiut tamaasa nalunaarusiortoqartassaaq Naalakkersuisunut tunniunneqartussamik.

Kisitsisitigut paasissutissat

§ 39. Kisitsisitigut paasissutissanik suliaqarnissamut atatillugu Naalakkersuisut noqqaassutaannik kommunalbestyrelse paasissutissanik nassiussinissamut pisussaaffeqarpoq.

Imm. 2. Kisitsisitigut paasissutissat assigisaallu qanoq annertutiginissaannut Naalakkersuisut malittarisassanik aalajangersaasinnaapput, imm. 1 naapertorlugu nassiunneqartussanik, aamma qanoq nutarterneqartarnersut nassiunneqartarnersullu pillugu.

Tamakkiisumik akisussaaffik

§ 40. Kommunalbestyrelse kommunimi meeqqat inuuusuttullu pillugit politikiliussaaq.

Imm. 2. Kommunalbestyrelse inoqarfinni anginerni minnernilu meeqqanut ulluunerani neqeroorutit akornanni perorsaanikkut isumassarsiornissaq siunertaralugu aalajangersimasumik attaveqarfissamut ilisimasanik ingerlatitseqqittassaaq.

Imm. 3. Kommunalbestyrelsip ulluunerani neqeroorutinut ataasiakkaanut perorsaanikkut ukiumut pilersaarutinik suliaqarnissaq tamatumunngalu nalilersuinissaq pingaarnertut akisussaaffigaa.

Imm. 4. Assersuitigalugu meeqqap ilinniarniarneranut, ineriertorneranut imaluunniit inuttut ajornartorsiutaanut tunngatillugu immikkut suliniuteqarnissap pisariaqartinneqaratarsinnaanera eqqarsaatigalugu iliuuseqapallannissap tunngavilerneqarnissaanut meeqqallu malinnaaviginissaanut atatillugu kommunalbestyrelsip ulluunerani paaqqinnittarfiup aqutsisuata meeqqanut ataasiakkaanut

tamanut digitalimik imaluunniit tigussaasumik mappinik pilersitsinissaa nutarterinissaalu qulakkiissavaa. Tamatuma kingorna meeqqap mappia atuarnerup aallartinneranut atatillugu atuartup atuarfanut nuunneqassaaq.

Nakkutilliineq

§ 41. Naalakkersuisut meeqqanut suli atualerneqanngitsunut perorsaanikkut inerikkiartuutaasunik ulluunerani neqeroorutinik pingaarnertut nakkutilliissapput.

§ 42. Kommunalbestyrelse oqartussaasut naapertuuttu suleqatigalugit meeqqanut ulluunerani neqeroorutinik tamanik nalinginnaasumik persorsaanikkullu nakkutilliissaaq.

Imm. 2. Ulluunerani neqeroorutinik tamanik nakkutilliineq ukiumut ikinnerpaamik pingasoriarluni ingerlanneqartassaaq, taakkunannga ukiumut ikinnerpaamik ataaseq nalunaaqqaarani nakkutilliinerussalluni.

Imm. 3. Kommunalbestyrelse annertusisamik nakkutilliissaaq, ulluunerani neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat ernumassutissaqalersitsisutut nalilerneqarpata.

Imm. 4. Kommunalbestyrelse annertusisamik nakkutilliissaaq iliuusissatullu pilersaarusrorluni ulluunerani neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat ernumanartorujussuartut nalilerneqarpata. Annertusisamik nakkutilliineq iliuusissatullu pilersaarusrorluni pissutsit ernumanartorujussuit paasineqarpata ingerlaannaq ingerlanneqassapput.

Imm. 5. Iliuusissatut pilersaarut ulluunerani neqeroorummi aqutsisoq oqaloqatigalugu suliarineqassaaq ulluuneranilu neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat pitsangorsarnissaannut qanoq sulisoqassaneranik qanorlu malitseqartitsisoqassaneranik nassuaassalluni. Angajoqqaat siulersuisui iliuusissatut pilersaarut pillugu ilisimatinneqassapput oqaaseqaateqarnissamullu periarfissaqassallutik. Angajoqqaat siulersuisuinik ilisimatitsineq sukkanerpaaq atorlugu isumagineqassaaq angajoqqaallu siulersuisuisa oqaaseqaatigisinnaasaat sukkanerpaaq atorlugu tunniunneqassapput.

Imm. 6. Naalakkersuisut kommunalbestyrelsip kommunimi ulluunerani neqeroorutinik tamanik nalinginnaasumik perorsaanikkullu nakkutilliinera pillugu malittarisassanik erseqqinnerusunik aalajangersaasinnaapput.

Aningaasalersuineq

§ 43. Ulluunerani paaqqinnittarfinnut, angerlarsimaffinni paarsisarfinnut immikkullu sammisaqtitsinissamik neqeroorutinut aningaasartuutit lnatsisartut inatsisaat manna naapertorlugu kommuninit akilerneqassapput, taamaattoq takuuk § 44.

Imm. 2. Namminersorlutik Oqartussat ulluunerani paaqqinnittarfit pilersinnerinut tapiissuteqarsinnaapput.

§ 44. Kommunalbestyrelse kommunimi meeqqat suli atualinngitsut ulluunerani neqeroorutiniinnerinut akileeqqusisinnaavoq. Akiliutissaq aalajangerneqassaaq, kommunimi meeqqanut suli atualinngitsunut

ulluunerani neqeroorutinut kommunip aningaasartuutai akiliisussaatitaasullu aningaasaqarnikkut atugarisai imaluunniit atugarisaat tunngavigalugit.

Imm. 2. Meeqqanut suli atualinngitsunut kommunimi ulluunerani neqeroorutinik atuinermut akiliisussaatitaaneq meeqqap pilersuisuiusuanippoq imaluunniit pilersuisuiusuniippuit.

Imm. 3. Naalakkersuisut imm. 1 aamma 2 naapertorlugit meeqqat meeqqanut suli atualinngitsunut kommunip ulluunerani neqeroorutaaniinnerinut akiliutissat pillugit malittarisassanik aalajangersaasinnapput, tamatumunnga ilanngullugit isertitanut naleqqussaanerit, akiliutissanik kinguaattoortoqartillugu meeqqamik anisitsisinnaaneq, aamma kommunimi meeqqanut ulluunerani neqeroorutinik atorunnaarsitsineq nalunaaruteqartarnerlu pillugit aalajangersakkat.

Naammagittaalliorssinnaaneq

§ 45. Isumaginnittooqarfíup aqunneqarnera aaqqissuussaaneralu pillugit Inatsisartut peqqussutaanni aalajangersakkat malillugit kommunalbestyrelsip aalajangiineri pillugit § 8 aamma § 26 naapertorlugit Isumaginninnermi Naammagittaalliuuteqartarfimmut naammagittaalliuutigineqarsinnaapput.

Imm. 2. Inatsisartut inatsisaanni matumaní aalajangersakkat allat malillugit kommunalbestyrelsip aalajangiineri allaffissornikkut oqartussaasumut allamut naammagittaalliuutigineqarsinnaangillat.

Imm. 3. Malittarisassat Inatsisartut inatsisaannit matumanngá tunngavilimmik suliaasut malillugit kommunalbestyrelsip aalajangiineri allaffissornikkut oqartussaasumut allamut naammagittaalliuutigineqarsinnaangillat.

Atuutilernera

§ 46. Inatsisartut inatsisaat una ulloq 1. januaari 2024 atuutilissaq.

Imm. 2. Ilutigitillugu Meeqqanut suli atualinngitsunut perorsaankkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq atorunnaassaaq.

Imm. 3. Imm. 2-mi taaneqartoq Inatsisartut inatsisaat naapertorlugu aalajangersakkat atuutilersinneqarsimasut imaluunniit attanneqartut inatsit una imaluunniit Inatsisartut inatsisaat alla naapertorlugu tunngavilerneqartunik taarserneqarnissaasa atorunnaarsinneqarnissaasaluunniit tungaannut atuutissapput.

Namminersorlutik Oqartussat, ulloq 20. novembari 2023

Múte Bourup Egede (atsior.)

Naalakkersuisut Siulittaasuat

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut